



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CXXXI. Domine non est exaltatum cor meum, &c. Carm. gen. 28.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Nam spes polliciti me recreat tui:
 Promisiq; fides fallere nescij,
 Et fiducia certa
 Mentem sustinet anxiam.
 Non sic præcipiti nocte uigil diem
 Obseruat rosem, non roseum uigil
 Phœbi sic auet ortum,
 Ut flagrat mea mens Deum,
 Securi in Domino figite spem pij
 Non duro ueniam supplicibus dare,
 Et prompto dare pressis
 Duro seruitio manum.
 Electi generis progeniem graui
 Pressam seruitio ex hostibus afferet:
 Et de morte redemptam,
 Noxis eximet omnibus.

PSAL. CXXXI. Domine non est exal-
 tatum cor meum, &c, Carm. gen. 28.

Si spiritu impotenti,
 Si lumine insolenti
 Elatus ambulaui,
 Si uirium mearum
 Fiducia superbus
 Despicerim minores:
 Si mentis arrogantis
 Sublime uectus alis,
 Maiora quam liceret
 Sperare, cogitaui:
 Ni uota temperaui

Modestia

Modestia salubri:
Nil deprecor, rogóue,
Nullam recuso pœnam.
Qualis puer tenellus
Vix lacte pulsus, unam
Suspirat in parentem,
Hanc spectat, hac ab una
Dependet, ambit unam:
Aeterne rector orbis,
Te mens mea intuetur
Vnum, uni adhaeret, unum
Te uindicem salutis
Agnoſcit. O piorum
Propago sancta patrum,
Vnum Deum parentum
Spectate, spes in uno
Locate, cuncta ab uno
Sperate: spem nec unquam
Fouebitis caducam.

PSAL. CXXXII. Memento Domine
David, & omnis mansuetudinis eius, &c.
Carm. gen. 1.

D Auidis esto memor, genitor, memor esto
laborum
Quos tulit, in rebus tua iussa sequutus egenis.
Ille tibi, Hebrææ gentis Deus unice, uotis
Obstrinxit caput, & promissis ora reclusit,
Non ædes prius ingrediar, mollisue reponam
Membra